

U prošloj godini dijaspora poslala u BiH još više novca

25/01/2013 10:14 by Administrator

Iz inostranstva je u BiH stiglo više novca u prošloj godini u odnosu na 2011. te i dalje transferi koje dijaspora uplaćuje predstavljaju jedan od značajnijih socijalnih i ekonomskih suporta na ovoj zemlji, potvrđeno je Agenciji FENA u Centralnoj banci BiH. U prva tri kvartala prošle godine ukupni devizni transferi za sve sektore osim vlada iznosili su 2,64 milijarde KM, što predstavlja povećanje u odnosu na isto razdoblje 2011. godine, kad su iznosili 2,57 milijardi KM.

Za devet mjeseci prošle godine na ime personalnih transfera (po staroj metodologiji devizne doznake iz inozemstva) u BiH je uplaćeno 1,54 milijarde KM, dok su ostali tekući transferi iznosili 1,09 milijardi KM.

U Centralnoj banci BiH preciziraju da je za devet mjeseci prošle godine iz inozemstva po osnovu penzija u BiH uplaćeno 1,05 milijardi KM, što je i najveći dio novca u kategoriji socijalnih davanja koja se evidentiraju u ostale tekuće transfere.

"Tekući transferi i dalje predstavljaju jedan od značajnijih izvora financiranja deficita tekućeg računa. Stoga su ovi transferi značajni za ekonomiju BiH, a posebno za dio populacije koji ih prima. Značajan udjel u ukupnim transferima imaju socijalna primanja, odnosno penzije iz inostranstva", rečeno je u Centralnoj banci BiH.

Ukupni tekući transferi odnose se na personalne uplate koje iz inozemstva dobijaju domaćinstva. To je novac koji iz dijaspore stiže najbližim srodnicima u BiH te penzije koje nadležni fondovi dostavljaju korisnicima u BiH. Dio ovih sredstava ide putem računa a dio Centralna banka BiH procjenjuje. Izvor vijesti: 6yka.com